

INUIT ATAQATIGIIT INATSISARTUNI



UPA 2026/176
13. maj 2026
Paarma Lund Kreutzmann

Meeqqat pisinnaatitaaffii pingaarnertut tunngavigalugit nuna tamakkerlugu imigassaq pillugu politikimik Kalaallit ineriartortitsisoqartariaqannginnersoq kiisalu inuit ataasiakkaat kiffaangissuseqarnerisa aammalu meeqqanik illersuinissap akornanni oqimaaqatigiissitsilluni tamanna qanoq aaqqissuunneqartariaqarnersoq pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Nivi Rosing & Nivi Heilmann Efraimsen, Inuit Ataqatigiit)

Inuit Ataqatigiinni takorluugarput, piviusunngortikkusutarpullu tassaavoq Nunatsinni meeraq toqqissilluni peroriartorsinnaanissaa. Inuit Ataqatigiit, meeqqanik illersuiuarnerput qularutigineqassanngilaq. Meeqqat pisinnaatitaaffii ataqqivagut, pingaartippagut aamma malikkusuppagut.

Nivi Rosing Inuit ataqatigiit oqallisissiamut qujanaq.

Inuit ataqatigiit Upernaakkut 2023 imm. 67 siunnersuusiarisimavaat, Inatsisartuni partiini tamanit Naalakkersuisuniillu akuerineqarsimasumik.

Upernaakkut 2023 ataatsimiinnermi imm. 67-p siunertaa, partiit akornanni, piffissaq ungasissoq isigalugu Isumaqaatigiissuteqassasut, ilisimatuussutikkut pinaveersaartitsinermit sunnuteqarnerpaanik tunngavilimmik ilisimasat aallaavigalugit isumaqaatigiissuteqartoqassasoq.

Misissuinerit peqqissutsimut ilinniagaqarsimasunit, ilisimatuussutikkullu suliaqartunit suliaapput. Taamaammat inassuteqaatit politikimit sunnerneqarsimangillat.

Inuit Ataqatigiinniit isumaqarpugut Nunatsinni inuiaqatigiit pisariaqartikkipput imigassamut politikki. Pingaartumillu aamma ataatsimoorfigineqarsinnaaseq, qinersinerit tamaasa, kikkut suleqatigiinnerit apeqqutaatillugit allanngoranngitsoq.

Ilisimavarput inatsisiliornermi amerlanertigut, inatsisit atuunnerini sunniutai piffissaq sivisooq ingerlareeraangat aatsaat malunniutartut. Taamaammat oqallisissaq imaattoq inissaminiippoq, isiginnitaasitsinnik isummatsinnillu

INUIT ATAQATIGIIT INATSISARTUNI



avitseqatigiisinaanissamut periarfissiilluni. Taamaasilluta partiit akornatsinni meeqqat pillugit anguniagaqaqatigiinissaq attanneqarsinnaasoq ataatsimoorussinnaassavarput.

Meeraq kinaluunniit imigassamik atornerluisut akornanni peroriartortussaangilaq. Ajoraluartumilli piviusoq allaavoq. Nunatsinni imigassamik atornerluineq ajornartorsiut annertooujussuuvoq. Tamattami tamanna ukiorpassuarni nalunngilarput.

FN'p konventionii meeqqat pisinnaatitaafiinut tunngatillugu Nunatsinni atilernikuuvagut, taamaatimik aamma politikikkut pisussaaffeqarpugut iliiseqarnissatsinnik.

Ippassaani Nunatsinni pisinniarfissuit ilaat avammut suaarutigivaat, Nunatsinni imigassamik atuisarneq annikillisarumallugu. Imigassamik nittarsaasarnerit unitsillugit. Taamaakkami, tamaavitta Nunatsinniittuugut pisussaaqataavugut sunneeqataafigisinnaasatsinnik iliuseqassallita.

Taamaammat ataatsimoorfigisinnaasatsinnik meeraq qitiutillugu, meeqqagut pilligit imigassamut tunngatillugu politikkeqartariaqarpugut.

Ilisimaneqarpoq nunatsinni imigassamik atornerluisut amerlasiit nakorsaaitut ateraat, imatut paasillugu tarnimikkut artersaateqarlutik, anniaateqarlutik imigassaq nipaallisaaitut atorlugu. Tupinnarpallaangilaq, ataatsimut isigissagitsigit uagit kalaallit ajernartersiitigut ammasimik oqallisiginissai pikkoriffiginnginnatsigit. Soorlu aamma uani oqallisigisarput imigassamik atuineq nipaarsaarussaavoq, qallunaatut taallugu Tabu'voq. Imaasinnaaseq ullumikkut inersimasunngoreersut allanngortinniassallugit oqinnerpaanaviangitsoq. Kisianni meerartatsinnut tamanna allaasariaqarpoq. Nunanut allanut isumassarsianik aallersinnaavugut, soorlu Islandmi pingaartinneqarpoq meeqqat pereriarthernerini atuarfinni sianissutsip sungiusarnissaa nukittorsarlugulu, tassa mentaltræning. Inuunermi misigisassat allannguisinnaasut unamminartullu aqqusaarneqarsinnaasut piareersimaffigaligit, ilisimallugillu.

Imigassaq nunatsinni ajornartorsiutaagaluartoq, kisianni imigassaq kisimiitillugu isiginiarsinnaangilarput allannguissagutta. Isumaqarpugut nunatsinni inooriaaserput apeqqusertariaqaripput. Qanoruna uagut kalaallit inooriaaseqarniartugut? Qanoruna meeqqatsinnik perorsaaniartugut? Pisinnaatitaaffeqarpugut, imigassartorusukkutta nammineq aaliangissallugu, aamma meeqqamik sumiginnaagaluaruttaluunniit. Aperisinnaavugut, killissaq sumiippa? Periuseq suna atussavarput?

Tamaavitta akisussaaffeqarpugut, illit uangalu, meeqqagut pillugit allannguisariaqarpugut. Inuiaqatigiit imigassamut tulluarsarunnaarluta, ungasissumut isigisumik partiit tamatta peqataaffigisinnaasatsinnik poitikkeqassasugut, tamanut iluaqutaasumik.

Tassa Inuit ataqatigiinniit piviusunngortikkusutarput.